



UPA 2017/158-00

30-05-2017

Meeqcat qinngamikkut-, siutimikkut qinersimikkullu ajuuteqalersartut ikilisarniarlugit pinaveersimatitsiniarnerup qanoq annertusarneqarnissaanut kiisalu ilaatigut siullunnerit kingunerisaannik meeqcat inersimasullu tusillalersimasut tusaaniarnermikkullu akornusersimasut qanoq ikiorserneqartarnissaannut apeqquteqaat aallaavigalugu oqallinnissamut siunnersuut.

(Inatsisartunut ilaasortaq, Debora Kleist, Inuit Ataqatigiit)

Inatsisartunut ilaasortap, Debora Kleist, Inuit Ataqatigiit, meeqcat qinngamikkut-, siutimikkut qinersimikkullu ajuuteqalersartut ikilisarniarlugit pinaveersimatitsiniarnerup qanoq annertusarneqarnissaanut kiisalu ilaatigut siullunnerit kingunerisaannik meeqcat inersimasullu tusillalersimasut tusaaniarnermikkullu akornusersimasut qanoq ikiorserneqartarnissaannut apeqquteqaat aallaavigalugu oqallinnissamut siunnersuutaa Partii Naleraq sinnerlugu imannak oqaaseqarfingissuarput:

Aallaqqaasiullugu erseqqissaasutigissuarput kalaallisut oqaatsitta sapinngisamik assuarnaatsumik atorneqartarnissaat Partii Naleqqamiit assut pingaartikkatsigu.

Naluneqanngitsutut meeqcat inunngornermi kingornatigut aamma siutaat misissorluarneqartarput, kiisalu atuarlernermanni aamma 9. Klasse tikillugu misissorneqartarlutik.

Taamaamat naatsorsuutigineqarsinnaavoq, meeqcat meeraanerminniit siutimikkut misissuiffingineqartarerat pissusissamisut ingerlanneqartoq, apeqqutaallunili meeqcat siutimikkut ajoqutillit qanoq suktagisumik pitsaatigisumillu peqqinnissaqarfimmiit ikiorserneqartarnersut ?

Paasinarpooq inersimasunik tusaaniarnikkut ajornartorsiuteqartunik misissuisarneq ataatsimut tamaat isigalugu naammaginanngitsusoq, taamaammallu qularnangilaq inersimasunik qinngamikkut, siutimikkut, toqqaamikkullu misissuiffingineqartarnissaat pisariaqarsinnaasoq ?

Aamma misissuisarnerpassuit takutereerpaat, inuit inuuniarnikkut ineqarnikkullu ajornartorsiuteqartut taakkuukkajunnerusartut, ajornartorsiutinik qulaani taaneqartunik nalaataqarnerpaajusartut.

Tassami maannakkut maani nunatsinni pissutsit qiviarutsigit – ukulu ajornartorsiutit piaarnerusumik qaangerneqarnissaat anguneqassappat, pisariaqarluinnarpoq ineqarnikkut ajornartorsiutit piaartumik aaqqiivigineqarnissaat sulissutigissallugu.

Inupparujussuimmi pissakitsuunertik pissutigalugu ineqarnikkut ajornartorsiuteqarput, ilaqtariippassuit inigisaminnit anisitaasimapput aammalu inuppassuit inissaqanngitsut toqqisisimanngilluinnartumik aqorluinnartunillu atugaqarlutik inuuneqarput.

Taama naakkaluamik ilanngussaqarluta oqallinnermut ilaqqinnissatsinnut piareersimavugut.

Anthon Frederiksen